

I. Disposicións xerais

XEFATURA DO ESTADO

214 *Lei 1/1999, do 5 de xaneiro, reguladora das entidades de capital-risco e das súas sociedades xestoras.* («BOE» 5, do 6-1-1999.)

JUAN CARLOS I

REI DE ESPAÑA

Saiban tódolos que a viren e a entenderen que as Cortes Xerais aprobaron e eu sanciono a seguinte lei.

EXPOSICIÓN DE MOTIVOS

O capital-risco é unha actividade financeira consistente en proporcionar recursos a medio e longo prazo, pero sen vocación de permanencia ilimitada, a empresas que presentan dificultades para accederen a outras fontes de financiamento. A presente lei vén establecer un marco xurídico estable e completo ás entidades de capital-risco españolas.

O réxime xurídico vixente das presentes institucións financeiras ten as súas orixes nas prescricións contidas no Real decreto-lei 1/1986, do 14 de marzo, sobre medidas urxentes administrativas, financeiras, fiscais e laborais (artigos 12 a 16).

Estas previsións legais foron obxecto de sucesivas reformas. Entre elas cabe destaca-las introducidas pola Lei 33/1987, do 23 de decembro; a contida na disposición adicional cuarta da Lei 3/1994, do 14 de abril, pola que se adapta a lexislación española en materia de entidades de crédito á segunda directiva de coordinación bancaria e se introducen outras modificacións relativas ó sistema financeiro; e, finalmente, as producidas polo Real decreto-lei 7/1996, do 7 de xuño, sobre medidas urxentes de carácter fiscal e de fomento e liberalización da actividade económica.

Entre as principais novidades da lei atópase o establecemento dun réxime xurídico de autorización, supervisión, inspección e sanción homologable ó resto dos suxeitos que actúan nos nosos mercados financeiros. En coherencia, atribúense á Comisión Nacional do Mercado de Valores o groso das potestades de supervisión sobre os novos suxeitos: sociedades de capital-risco, fondos de capital-risco e sociedades xestoras de entidades de capital-risco. A lei admite incluso que as sociedades xestoras de institucións de investimento colectivo xestionen fondos de capital-risco ou os activos das sociedades de capital-risco, independentemente de que tales xestoras se atopen reguladas noutra sede normativa (Lei 46/1984, do 26 de decembro, reguladora das institucións de investimento colectivo).

En canto á política de investimento que desenvolverán as sociedades e fondos de capital-risco, seguiuuse e afondouse na liña marcada polo Real decreto-lei 7/1996, do 7 de xuño, sobre medidas urxentes de carácter fiscal e de fomento e liberalización da actividade eco-

nómica. Así, xunto ó seu obxecto social tradicional de participación temporal no capital de empresas non financeiras e non cotizadas, únense dúas importantes funcións. Dunha parte, o outorgamento de préstamos participativos (e, con certas limitacións, calquera outra forma de financiamento), e, doutra, o asesoramento profesional respecto das empresas participadas.

O texto tamén incorpora algunhas modificacións no réxime fiscal actualmente aplicable ás entidades de capital-risco. Así, ábrese a posibilidade de alongamento do período de exención das rendas que se obteñan da transmisión de accións ou participacións de empresas que constitúan o obxecto principal da súa actividade. De igual modo, esténdese a exención en materia do imposto sobre o valor engadido á xestión de activos de sociedades de capital-risco.

A lei incorpora unha disposición adicional que, sen estar estritamente relacionada co capital-risco, perseque potenciar e favorece-la actividade financeira coñecida como «factoring». Coa presente disposición refórzase especialmente a protección de determinadas cesións de crédito fronte á insolvencia do cedente.

Por último, debe sinalarse que esta lei se dicta en aplicación dos títulos competenciais previstos na norma 11.^a e 6.^a do artigo 149.1 da Constitución.

TÍTULO PRELIMINAR

Ámbito de aplicación

Artigo 1. *Ámbito de aplicación.*

1. A presente lei ten por obxecto a regulación das entidades de capital-risco e as sociedades xestoras de entidades de capital-risco.

2. Son entidades de capital-risco as sociedades e fondos de capital-risco.

Artigo 2. *Sociedades de capital-risco.*

1. As sociedades de capital-risco son sociedades anónimas que teñen por obxecto social principal a toma de participacións temporais no capital de empresas non financeiras das que os valores non coticen no primeiro mercado das bolsas de valores.

2. Para o desenvolvemento do seu obxecto social principal, as sociedades de capital-risco poderán facilitar préstamos participativos, así como outras formas de financiamento, neste último caso unicamente para sociedades participadas. De igual modo, poderán realizar actividades de asesoramento.

3. Dentro do obxecto social non se poderán comprender actividades non amparadas nesta lei.

Artigo 3. *Fondos de capital-risco.*

Os fondos de capital-risco son patrimonios administrados por unha sociedade xestora, que terán o mesmo

obxecto principal có definido no artigo anterior, correspondendo á sociedade xestora a realización das actividades de asesoramento previstas nel.

Artigo 4. *Sociedades xestoras de entidades de capital-risco.*

1. As sociedades xestoras de entidades de capital-risco son sociedades anónimas que teñen por obxecto social principal a administración e xestión de fondos de capital-risco e de activos de sociedades de capital-risco. Como actividade complementaria poderán realizar tarefas de asesoramento ás empresas coas que manteñan vinculación como consecuencia do exercicio da súa actividade principal.

2. Tamén poderán xestionar fondos de capital-risco e activos de sociedade de capital-risco as sociedades xestoras de institucións de investimento colectivo reguladas na Lei 46/1984, do 26 de decembro, reguladora das institucións de investimento colectivo.

Artigo 5. *Domiciliación.*

As entidades de capital-risco reguladas na presente lei, así como as súas sociedades xestoras, deberán estar domiciliadas en territorio nacional e ter neste a súa administración central.

Artigo 6. *Denominación.*

1. As denominacións «Sociedade de Capital-risco», «Fondo de Capital-risco» e «Sociedade Xestora de Entidades de Capital-risco», ou as súas abreviaturas «SCR», «FCR» e «SGXCR» quedarán reservadas ás institucións autorizadas ó abeiro desta lei e inscritas no rexistro administrativo que para tal efecto se cree na Comisión Nacional do Mercado de Valores.

2. As sociedades de capital-risco, os fondos de capital-risco e as sociedades xestoras de entidades de capital-risco están obrigados a incluír na súa razón social a denominación respectiva ou a súa abreviatura.

3. O Rexistro Mercantil e os demais rexistros públicos non inscribirán aquelas entidades das que a denominación sexa contraria ó réxime establecido na presente lei. Cando, non obstante, tales inscricións se realizasen, serán nulas de pleno dereito. A dita nulidade non prexudicará os dereitos de terceiros de boa fe, adquiridos conforme o contido dos correspondentes rexistros.

TÍTULO I

Disposicións xerais

CAPÍTULO I

Réxime de autorización

Artigo 7. *Condicións de acceso á actividade.*

Para poder dar comezo á súa actividade, as entidades de capital-risco deberán:

- Obte-la autorización previa do proxecto de constitución polo ministro de Economía e Facenda por proposta da Comisión Nacional do Mercado de Valores.
- Constituírse en escritura pública e inscribirse no Rexistro Mercantil.
- Estar inscritas no rexistro administrativo correspondente da Comisión Nacional do Mercado de Valores.

Artigo 8. *Autorización previa.*

1. As entidades de capital-risco para obte-la autorización esixida na alínea a) do artigo anterior deberán cumprir os seguintes requisitos:

- Limita-lo seu obxecto ó establecido por esta lei.
- Dispor do capital social ou do patrimonio establecidos nesta lei para cada tipo de entidade.
- Presentar un proxecto financeiro da entidade.

2. As sociedades de capital-risco deberán cumprir, ademais dos anteriores, os requisitos seguintes:

- Contar cunha boa organización administrativa e contable, así como cos medios humanos e técnicos adecuados ás características e volume da súa actividade.
- Que o seu Consello de Administración estea formado por, polo menos, tres membros e os seus conselleiros, así como os seus directores xerais e asimilados teñan unha recoñecida honorabilidade comercial, empresarial ou profesional.
- Que ningún dos membros do seu Consello de Administración, así como ningún dos seus directores xerais ou asimilados, fose, en España ou no estranxeiro, declarado en quiebra ou concurso de acredores sen ser rehabilitado, se atope procesado, ou, tratándose do procedemento a que se refire o título III do libro IV da Lei de axuízamento criminal, se dictase auto de apertura do xuízo oral, ou teña antecedentes penais, por delitos de falsidade, contra a Facenda Pública e contra a Seguridade Social, de infidelidade na custodia de documentos e violación de segredos, de branqueo de capitais, de receptación e outras conductas afíns, de malversación de caudais públicos, contra a propiedade, ou estea inhabilitado ou suspendido, penal ou administrativamente, para exercer cargos públicos ou de administración ou dirección de entidades financeiras.
- Que a maioría dos membros do seu Consello de Administración, así como tódolos directores xerais e asimilados contén con coñecementos e experiencia adecuados en materias financeiras ou de xestión empresarial, así como as persoas físicas que representen as persoas xurídicas que sexan conselleiros.

Artigo 9. *Rexistros.*

Na Comisión Nacional do Mercado de Valores levaranse os seguintes rexistros públicos:

- Rexistro de sociedades xestoras de entidades de capital-risco.
- Rexistro de sociedades de capital-risco.
- Rexistro de fondos de capital-risco.
- Rexistro de participacións significativas.
- Rexistro de folletos e memorias anuais.

Artigo 10. *Procedemento de autorización.*

1. Corresponderá ó ministro de Economía e Facenda autoriza-las entidades de capital-risco por proposta da Comisión Nacional do Mercado de Valores.

A resolución será motivada e deberá notificarse dentro dos tres meses seguintes á recepción da solicitude, que se entenderá desestimada cos efectos previstos na Lei de réxime xurídico das administracións públicas e do procedemento administrativo común, se transcorrido o prazo anterior non recaese resolución sobre ela.

2. A solicitude de autorización só poderá denegarse polas seguintes causas:

- Por incumprimento dos requisitos previstos no artigo 8.

b) Pola existencia de graves dificultades para obter información que a Comisión Nacional do Mercado de Valores considere necesaria para o adecuado desenvolvemento das súas funcións supervisoras.

3. O ministro de Economía e Facenda ou, coa súa habilitación expresa, a Comisión Nacional do Mercado de Valores, determinará para cada tipo de entidade de capital-riesgo, atendendo ás súas especialidades:

a) Os requisitos e os modelos normalizados de solicitude de autorización.

b) Os modelos normalizados dos documentos que se deberán acompañar, entre os que figurarán, necesariamente, o proxecto dos seus estatutos ou do seu regulamento, un folleto informativo e unha memoria sobre o proxecto da entidade.

4. A memoria explicativa do proxecto deberá conter tanta información se precise para permitir unha correcta avaliación da entidade que se pretende crear e entre ela, necesariamente, a correspondente á identificación dos promotores, achegantes e as súas respectivas participacións, relación deles con outras entidades financeiras e posibles vínculos entre eles, fins e obxectivos da futura sociedade de capital-riesgo ou fondo de capital-riesgo, política de investimentos e de distribución de resultados, así como o ámbito persoal e xeográfico no que operará a correspondente entidade.

5. O folleto informativo conterá os estatutos ou o regulamento, segundo proceda, así como aqueles aspectos principais da institución de carácter financeiro e xurídico.

Artigo 11. *Constitución.*

1. Unha vez autorizada, a entidade de capital-riesgo poderá proceder á súa constitución en escritura pública.

2. As achegas para a constitución do capital social ou do patrimonio poderán realizarse en efectivo ou, se se trata de sociedade de capital-riesgo, en especie, segundo os criterios que se establecen no artigo 23.

3. As entidades de capital-riesgo, unha vez constituídas en escritura pública, inscribíranse no Rexistro Mercantil.

Artigo 12. *Inscripción.*

1. Para obter a súa inscrición no rexistro administrativo correspondente da Comisión Nacional do Mercado de Valores, as entidades de capital-riesgo presentarán ante el as escrituras de constitución debidamente inscritas no Rexistro Mercantil e a autorización expedida polo Ministerio de Economía e Facenda. A inscrición só poderá ser denegada cando se producise calquera alteración do proxecto inicialmente autorizado.

2. Regulamentariamente determinarase o prazo e contido da verificación previa á inscrición no rexistro administrativo correspondente.

3. Transcorrido un ano desde a autorización sen que se producise a inscrición no Rexistro da Comisión Nacional do Mercado de Valores por causas non imputables á Administración, aquela entenderase caducada.

Artigo 13. *Revogación.*

A revogación da autorización dunha sociedade xestora ou dunha entidade de capital-riesgo poderá ser acordada, logo de expediente con audiencia do interesado, polas seguintes causas:

a) Polo incumprimento sobrevido dos requisitos esixidos para a súa autorización.

b) Por incorrer, se é o caso, en suspensión de pagamentos ou quebra.

c) Como sanción, nos casos recollidos no título IV.

A dita revogación será acordada polo Consello de Ministros, por proposta do ministro de Economía e Facenda e iniciativa da Comisión Nacional do Mercado de Valores.

A revogación da autorización implicará a exclusión do correspondente rexistro administrativo.

CAPÍTULO II

Condicións de exercicio

SECCIÓN 1.^a RÉXIME XERAL

Artigo 14. *Réxime de actuación.*

1. As entidades de capital-riesgo deberán cumprir en todo momento os seguintes requisitos:

a) Os esixidos por esta lei para a súa autorización.

b) As porcentaxes de investimento en determinados activos fixados por esta lei e pola normativa que a desenvolva.

2. As modificacións que teñan lugar no seo do seu consello de administración deberán notificarse á Comisión Nacional do Mercado de Valores no prazo e forma que se determinen regulamentariamente.

Artigo 15. *Modificacións dos estatutos das sociedades de capital-riesgo e dos regulamentos de xestión dos fondos de capital-riesgo.*

1. Axustaranse ó mesmo procedemento previsto para a autorización, aínda que a solicitude de autorización das modificacións estatutarias poderá realizarse, de forma condicionada, polos administradores da Sociedade de Capital-Riesgo con anterioridade á aprobación pola Xunta Xeral de Accionistas.

2. Regulamentariamente determinarase aquelas modificacións que, por seren de escasa relevancia, requirirán unicamente a comunicación á Comisión Nacional do Mercado de Valores.

SECCIÓN 2.^a RÉXIME DE INVESTIMENTOS

Artigo 16. *Coeficiente obrigatorio de investimento.*

1. As sociedades e fondos de capital-riesgo adecuarán a súa política de investimentos ós criterios expresamente establecidos nos seus estatutos ou regulamentos de xestión, respectivamente.

2. En todo caso deberán manter, como mínimo, o 60 por 100 do seu activo en accións e participacións no capital de empresas que sexan obxecto da súa actividade. Dentro desta porcentaxe poderán dedicar ata 30 puntos porcentuais do total do seu activo a préstamos participativos a empresas que sexan obxecto da súa actividade, estean participadas ou non pola entidade de capital-riesgo.

Artigo 17. *Coeficiente de libre disposición.*

O resto do seu activo non suxeito ó coeficiente obrigatorio de investimento determinado no artigo 16 anterior poderá manterse en:

a) Valores de renda fixa negociados en mercados secundarios organizados.

b) Participacións no capital de empresas que non cumpran os requisitos esixidos no número 1 do artigo 2 da presente lei.

c) Efectivo, a título de coeficiente de liquidez, ou demais activos especialmente líquidos que regulamentariamente se precisen, naqueles casos nos que estatutaria ou regulamentariamente se prevexan reembolsos periódicos.

d) Préstamos participativos.

e) Financiamento de calquera tipo a empresas participadas.

f) No caso de sociedades de capital-risco, ata o 20 por 100 do seu capital social, en elementos de inmovilizado necesarios para o desenvolvemento da súa actividade.

Artigo 18. *Limitacións de grupo.*

1. As entidades de capital-risco non poderán investir máis do 25 por 100 do seu activo nunha mesma empresa, nin máis do 35 por 100 en empresas pertencentes ó mesmo grupo de sociedades, entendéndose por tal o definido no artigo 4 da Lei 24/1988, do 28 de xullo, do mercado de valores.

2. As entidades de capital-risco non poderán investir en empresas pertencentes ó seu grupo, tal e como este se define no artigo 4, anteriormente citado, da Lei 24/1988.

Para estes efectos, considerarase que as empresas nas que participen directamente as entidades de capital-risco, que cumpran os requisitos establecidos no artigo 2.1 da presente lei, non son empresas pertencentes ó grupo da entidade de capital-risco de que se trate.

Artigo 19. *Incumprimentos temporais dos investimentos.*

1. As porcentaxes previstas no número 2 do artigo 16, letra f) do artigo 17 e número 1 do artigo 18 poderán ser incumpridas polas entidades de capital-risco durante os seguintes períodos:

a) Durante os primeiros tres anos, a partir da súa constitución.

b) Durante vinte e catro meses, contados desde que se produza un desinvestimento característico do coeficiente obrigatorio.

2. No suposto de devolución de achegas a partícipes ou socios, os coeficientes computaranse tendo en conta o patrimonio inicial.

3. A Comisión Nacional do Mercado de Valores poderá, con carácter excepcional, eximir do cumprimento das porcentaxes previstas no número 2 do artigo 16, ou autoriza-la ampliación dos prazos a que se refire a alínea 1 deste artigo, por solicitude da sociedade de capital-risco ou da sociedade xestora do fondo, en atención á situación do mercado e á dificultade de encontrar proxectos para cubrir, adecuadamente, a porcentaxe mencionada.

Artigo 20. *Outros límites ós investimentos.*

1. Regulamentariamente poderán establecerse limitacións ó investimento en determinados tipos de activos, así como un coeficiente mínimo de liquidez a manter, se é o caso, os fondos de capital-risco.

2. Para os efectos de calcula-las porcentaxes previstas nos artigos precedentes, habilitase o ministro de Economía e Facenda para determina-los conceptos contables que integran o activo das entidades de capital-risco.

3. Regulamentariamente poderán establecerse límites ó financiamento alleo que poidan obter as entidades de capital-risco.

SECCIÓN 3.^a OBRIGAS DE INFORMACIÓN E AUDITORÍA

Artigo 21. *Obrigas de información, de auditoría e contables.*

1. Sen prexuízo das obrigas de información establecidas con carácter xeral, os fondos de capital-risco deberán publicar para a súa difusión entre os partícipes unha memoria anual e un folleto informativo, conforme as seguintes especificacións:

a) O folleto informativo terá que editalo a entidade con carácter previo á súa inscrición no rexistro administrativo, e deberá actualizarse polo menos anualmente.

b) A memoria anual conterá a información que se estableza regulamentariamente.

Estes documentos deberán ser remitidos á Comisión Nacional do Mercado de Valores para o exercicio das súas funcións de supervisión e rexistro, así como postos á disposición dos partícipes no domicilio social da sociedade xestora do fondo de capital-risco, dentro dos prazos que se determinan regulamentariamente.

2. As sociedades de capital-risco, as sociedades xestoras de fondos de capital-risco, así como as sociedades xestoras de institucións de investimento colectivo que xestionen fondos de capital-risco deberán facilitar á Comisión Nacional do Mercado de Valores tanta información se lles requira e, en particular, sobre actividades, investimentos, recursos, patrimonio, estados financeiros, accionistas ou partícipes, situación económico-financieira, así como no concernente a feitos relevantes, coa frecuencia, alcance e contido que estableza o ministro de Economía e Facenda, e, coa súa habilitación expresa, a Comisión Nacional do Mercado de Valores.

3. As entidades de capital-risco deberán someter a informe de auditoría os seus estados financeiros conforme o establecido na lexislación sobre auditoría de contas.

Artigo 22. *Réxime de participacións significativas.*

Cando un mesmo socio ou partícipe, por si ou por persoa interposta, adquira ou transmita accións ou participacións dunha entidade de capital-risco e, como resultado das ditas operacións, a porcentaxe de capital subscrito ou patrimonio que quede no seu poder alcance, exceda ou quede por debaixo do 20 por 100 e tódolos seus múltiples, ata o 100 por 100 do capital social, nos casos permitidos por esta lei, deberá comunicarse á entidade e á Comisión Nacional do Mercado de Valores no prazo de dez días hábiles a partir da adquisición ou transmisión, a porcentaxe do capital ou patrimonio que quedase no seu poder trala operación.

Tal porcentaxe poderá variarse regulamentariamente naqueles supostos en que se considere necesario atendendo ós intereses dos investidores e ás especialidades do investimento.

TÍTULO II

Sociedades e fondos de capital-risco

CAPÍTULO I

As sociedades de capital-risco**Artigo 23. *Lexislación aplicable e requisitos de constitución.***

1. As sociedades de capital-risco rexeranse polo establecido nesta lei e, no non previsto por ela, polo texto refundido da Lei de sociedades anónimas, aprobado por Real decreto legislativo 1564/1989, do 22 de decembro.

2. O capital social subscrito será polo menos de 200 millóns de pesetas, debéndose desembolsar no momento da súa constitución o 50 por 100 e, o resto, nunha ou varias veces, dentro dun prazo de tres anos desde a constitución da sociedade. Os desembolsos deberán realizarse en efectivo ou en bens que integren o seu inmovilizado, non podendo superar estes últimos o 10 por 100 do seu capital social.

3. O capital social estará representado por accións con igual valor nominal e cos mesmos dereitos, representadas mediante títulos; nese caso serán nominativas, ou mediante anotacións en conta.

4. Quedan prohibidas as remuneracións ou vantaxes dos fundadores ou promotores previstas na Lei de sociedades anónimas.

5. Nos seus estatutos sociais recolleranse, ademais das especificacións previstas na Lei de sociedades anónimas, a política de investimentos, así como a posibilidade de que a xestión dos investimentos, logo de acordo da Xunta Xeral, a realice unha sociedade xestora de entidades de capital-risco coa que contrate o mencionado servizo.

CAPÍTULO II

Os fondos de capital-risco**Artigo 24. *Patrimonio.***

1. O patrimonio mínimo inicial dos fondos de capital-risco será de 275 millóns de pesetas.

2. As achegas para a constitución inicial e posteriores do patrimonio realizaranse exclusivamente en efectivo.

3. O patrimonio estará dividido en participacións de iguais características que conferirán ó seu titular un dereito de propiedade sobre el. Estas participacións serán nominativas, terán a consideración de valores negociables e poderán estar representadas mediante títulos ou anotacións en conta.

Artigo 25. *Constitución do fondo e especificacións do contido do seu regulamento.*

1. O fondo constituirase mediante a posta en común do efectivo que integrará o seu patrimonio.

2. O contrato de constitución deberá formalizarse en escritura pública na que deberá constar expresamente:

- a) A denominación do fondo.
- b) O obxecto, circunscrito exclusivamente ás actividades recollidas no artigo 3 da presente lei.

c) O patrimonio do fondo no momento da súa constitución.

d) O nome e domicilio da sociedade xestora.

e) O regulamento de xestión do fondo.

3. O regulamento de xestión do fondo de capital-risco redactarase conforme co modelo normalizado que regulamentariamente se estableza e deberá recoller como mínimo os seguintes extremos:

a) O prazo de duración do fondo, se é o caso.

b) O réxime de emisión e reembolso das participacións, incluíndo, se é o caso, os reembolsos que se garanten, a súa periodicidade, e réxime de avisos previos de habelos.

c) O prazo de duración da prohibición de subscrición e reembolso, se as houbese.

d) A periodicidade coa que haberá que calcula-lo valor das participacións para efectos de subscrición e reembolso.

e) Normas para a administración, dirección e representación do fondo.

f) Determinación e forma de distribución de resultados.

g) Requisitos para a modificación do contrato de constitución, do regulamento de xestión e condicións para exercer, se é o caso, o dereito de separación por parte do partícipe.

h) Substitución da sociedade xestora.

i) Normas para a disolución e liquidación do fondo.

j) Tipos de remuneración da sociedade xestora.

k) A política de investimentos.

4. Entenderase por política de investimentos, para os efectos do punto anterior e do artigo 16.1 desta lei, o conxunto de decisións coordinadas orientadas ó cumprimento do seu obxecto sobre os seguintes aspectos:

a) Sectores empresariais cara ós que se orientarán os investimentos.

b) Áreas xeográficas cara ás que se orientarán os investimentos

c) Tipos de sociedades nas que se pretende participar e criterios da súa selección.

d) Porcentaxes xerais de participación máximas e mínimas que se pretendan ostentar.

e) Criterios temporais máximos e mínimos de mantemento dos investimentos e fórmulas de desinvestimento.

f) Tipos de financiamento que se concederán ás sociedades participadas.

g) Prestacións accesorias que a sociedade xestora do mesmo poderá realizar a favor das sociedades participadas, tales como o asesoramento ou servizos similares.

h) Modalidades de intervención da entidade xestora nas sociedades participadas, e fórmulas de presenza nos seus correspondentes órganos de administración.

5. A escritura pública de constitución do fondo será outorgada pola sociedade xestora, e deberá inscribirse no rexistro administrativo e no Rexistro Mercantil, na forma establecida nos artigos 11 e 12 da presente lei.

Artigo 26. *Réxime de subscrición e reembolso das participacións.*

1. A sociedade xestora emitirá e reembolsará as participacións no fondo de acordo coas condicións establecidas no seu regulamento de xestión.

2. O valor de cada participación será o resultado de dividi-lo patrimonio do fondo polo número de par-

tipificacións en circulación, valorando aquel de acordo cos criterios que estableza o ministro de Economía e Facenda.

3. A sociedade xestora poderá xestionar por conta do emisor a subscripción e reembolso de participacións en fondos de capital-risco, así como por conta propia ou allea a súa transmisión.

Artigo 27. *Administración.*

1. A dirección e administración dos fondos de capital-risco rexeráse polo disposto no regulamento de xestión de cada fondo, debendo recaer necesariamente nunha sociedade xestora de entidades de capital-risco ou nunha sociedade xestora de institucións de investimento colectivo cos requisitos que se fixen neste último suposto, se é o caso, regulamentariamente.

2. En ningún caso poderán impugnarse por defecto de facultades de administración e disposición os actos e contratos realizados pola sociedade xestora do fondo con terceiros no exercicio das atribucións que lle corresponden conforme o previsto na presente lei.

3. Os acredores do fondo non poderán facer efectivos os seus créditos sobre o patrimonio dos partícipes, a responsabilidade dos cales se limita ás súas participacións.

Artigo 28. *Valoración do patrimonio e distribución de resultados.*

1. O valor do patrimonio do fondo será o resultado de deducir da suma dos seus activos reais as contas acredores determinándose o valor destas conforme os criterios que estableza o ministro de Economía e Facenda.

2. Os resultados serán a consecuencia de deducir da totalidade dos ingresos obtidos polo fondo a comisión da sociedade xestora, así como os demais gastos previstos no regulamento de xestión do fondo, entre os cales se incluírán os de auditoría.

3. En ningún caso o patrimonio do fondo responderá polas débedas da sociedade xestora.

Artigo 29. *Fusión, disolución e liquidación.*

1. Poderán fusionarse fondos de capital-risco xa sexa mediante absorción xa con creación dun novo fondo.

A iniciación do procedemento requirirá o previo acordo da sociedade xestora dos fondos que vaian fusionarse.

A fusión será previamente autorizada polo ministro de Economía e Facenda por proposta da Comisión Nacional do Mercado de Valores.

Os procesos de fusión deberán ser obxecto de comunicación ós partícipes para que, no prazo dun mes a partir daquela, poida exercerse o dereito de separación, con reembolso das participacións sen gasto ningún, ó valor liquidativo determinado conforme o artigo 26.2 correspondente ó día en que finalice o prazo do exercicio do dereito de separación.

2. O fondo quedará disolto, abríndose en consecuencia o período de liquidación, polo cumprimento do termo ou prazo, ou polas causas que se establezan no seu regulamento de xestión do fondo.

3. A liquidación do fondo realizárase a súa sociedade xestora. A Comisión Nacional do Mercado de Valores poderá condicionala eficacia da disolución ou suxeitalo desenvolvemento dela a determinados requisitos, co fin de diminuí-los posibles prexuízos que se ocasionen nas entidades participadas.

TÍTULO III

Sociedades xestoras de entidades de capital-risco

Artigo 30. *Requisitos.*

1. As sociedades xestoras de entidades de capital-risco deberán ser sociedades anónimas que reunirán os seguintes requisitos:

a) Un capital social mínimo inicial de 50 millóns de pesetas, integramente desembolsado.

b) As accións representativas do seu capital social poderán representarse mediante títulos nominativos ou mediante anotacións en conta.

c) Tódolos seus administradores e directivos deberán cumprir os requisitos de honorabilidade e idoneidade establecidos nas letras b), c) e d) do artigo 8.2 desta lei.

2. As condicións e requisitos para a autorización e inscrición das sociedades xestoras de entidades de capital-risco serán os establecidos no capítulo I do título I e a sección 1.^a do capítulo II do mesmo título I, coas especialidades recollidas no presente título desta lei.

3. Habilitase o ministro de Economía e Facenda para establecer, se é o caso, o réxime de recursos propios das presentes entidades.

Artigo 31. *Sociedades xestoras de institucións de investimento colectivo.*

1. En todo o relativo á xestión de fondos de capital-risco e de activos de sociedades de capital-risco, as sociedades xestoras de institucións de investimento colectivo estarán suxeitas a esta lei e as súas disposicións de desenvolvemento.

2. As referencias ás sociedades xestoras de entidades de capital-risco contidas nesta lei entenderanse tamén feitas ás sociedades xestoras de institucións de investimento colectivo que xestionen fondos de capital-risco ou activos de sociedades de capital-risco.

Artigo 32. *Funcións.*

1. As sociedades xestoras de entidades de capital-risco actuarán en interese dos partícipes ou accionistas nos investimentos e patrimonios que xestionen, axustándose ás disposicións desta lei.

2. Serán responsables fronte ós partícipes ou accionistas de tódolos prexuízos que lles causaren polo incumprimento das obrigas establecidas na presente lei.

3. As funcións das sociedades xestoras de entidades de capital-risco serán as seguintes:

a) Redacción do regulamento de xestión dos fondos.

b) Leva-la contabilidade dos fondos de capital-risco e dos activos da sociedade de capital-risco, con separación da súa propia.

c) Determinación do valor das participacións e accións conforme o réxime establecido no regulamento de xestión.

d) Emisión de certificados de participacións e demais documentos previstos na presente lei.

e) Distribución de resultados do exercicio.

f) Establecemento dos criterios de investimento.

g) Designación das persoas que participarán nos órganos de xestión ou administración das sociedades participadas.

h) Determinación dos medios e programas de asesoramento técnico, económico e financeiro.

4. As sociedades xestoras de entidades de capital-risco deberán someter a informe de auditoría os seus estados financeiros, conforme o establecido na lexislación sobre auditoría. Tal informe será remitido á Comisión Nacional do Mercado de Valores no prazo que se determine regulamentariamente.

Artigo 33. *Substitución de xestoras.*

1. A sociedade xestora de entidades de capital-risco poderá solicita-la súa substitución cando o considere procedente, mediante solicitude formulada conxuntamente coa nova sociedade xestora ante a Comisión Nacional do Mercado de Valores, na que a nova sociedade xestora se manifeste disposta a aceptar tales funcións.

2. En caso de procedemento de concurso da sociedade xestora, esta deberá solicita-lo cambio conforme o procedemento descrito no punto anterior. A Comisión Nacional do Mercado de Valores poderá acordar esa substitución cando non sexa solicitada pola sociedade xestora.

3. Os efectos da substitución produciranse desde o momento da inscrición da modificación regulamentaria ou estatutaria na Comisión Nacional do Mercado de Valores.

TÍTULO IV

Réxime de supervisión, inspección e sanción

CAPÍTULO I

Disposicións xerais

Artigo 34. *Suxeitos.*

Quedan suxeitos ó réxime de supervisión, inspección e sanción da presente lei:

- a) As sociedades de capital-risco.
- b) As sociedades xestoras de entidades de capital-risco.
- c) Os fondos de capital-risco.
- d) Calquera entidade, para os efectos de comprobación da reserva de denominación prevista no artigo 6.
- e) As sociedades xestoras de institucións de investimento colectivo, en todo o relativo á xestión de fondos de capital-risco e de activos de sociedades de capital-risco.

Artigo 35. *Responsabilidade.*

1. As sociedades xestoras das entidades de capital-risco serán responsables no exercicio da súa actividade de tódolos incumprimentos desta lei e a súa normativa de desenvolvemento, respecto ás entidades que xestionen.

2. As entidades previstas no artigo anterior, así como aqueles que desempeñen cargos de administración ou dirección destas ou actúen de feito como se os desempeñasen, que infrinxan o disposto nesta lei incorrerán en responsabilidade administrativa sancionable conforme o disposto neste título.

Desempeñan cargos de administración ou dirección nas entidades a que se refire o parágrafo anterior, para os efectos do disposto neste título, os seus administradores ou membros dos seus órganos colexiados de administración, así como os seus directores xerais e asi-

milados, entendéndose por tales aquelas persoas que desenvolvan na entidade funcións de alta dirección baixo a dependencia directa do seu órgano de administración ou de comisións executivas ou conselleiros delegados del.

Artigo 36. *Competencias.*

1. A Comisión Nacional do Mercado de Valores poderá recadar das entidades sinaladas no artigo anterior cantas informacións coide necesarias sobre os extremos que solicite relacionados coas materias obxecto desta lei. Co fin de achegar esta información ou de confirmala súa veracidade, a Comisión Nacional do Mercado de Valores poderá realizar cantas inspeccións considere necesarias.

2. As sociedades de capital-risco e as sociedades xestoras de entidades de capital-risco quedan obrigadas a pór á disposición da Comisión Nacional do Mercado de Valores cantos libros, rexistros e documentos esta considere precisos incluídos os programas informáticos e os arquivos magnéticos, ópticos ou de calquera outra clase.

3. As actuacións de comprobación e investigación poderán desenvolverse, por elección dos servizos da Comisión Nacional do Mercado de Valores:

a) En calquera despacho, oficina ou dependencia da entidade inspeccionada ou do seu representante.

b) Nos propios locais da Comisión Nacional do Mercado de Valores. Cando as actuacións de comprobación e investigación se desenvolvan nos lugares sinalados na letra a) anterior, observarase a xornada laboral deles, sen prexuízo de que poida actuarse de común acordo noutras horas e días.

4. A competencia para a incoación e instrución dos expedientes sancionadores polas infraccións que describe o seguinte capítulo corresponderá á Comisión Nacional do Mercado de Valores.

5. A imposición de sancións por infraccións moi graves corresponderá ó ministro de Economía e Facenda, por proposta da Comisión Nacional do Mercado de Valores, salvo a de revogación da autorización, que imporá o Consello de Ministros.

6. A imposición de sancións por infraccións graves e leves corresponderá á Comisión Nacional do Mercado de Valores.

CAPÍTULO II

Infraccións e sancións

Artigo 37. *Procedemento.*

1. En todo o non disposto nesta lei, o procedemento sancionador aplicable ás sociedades de capital-risco e ás sociedades xestoras de entidades de capital-risco, rexerá polo disposto nos artigos 19 a 25 da Lei 26/1988, do 26 de xullo, sobre disciplina e intervención das entidades de crédito, entendéndose feitas á Comisión Nacional do Mercado de Valores as referencias contidas nela ó Banco de España, así como pola Lei 30/1992, do 26 de novembro, de réxime xurídico das administracións públicas e do procedemento administrativo común, e a súa normativa de desenvolvemento.

2. Igualmente será aplicable no exercicio da potestade sancionadora sobre as sociedades de capital-risco e as sociedades xestoras de entidades de capital-risco o disposto nos artigos 7, 14, 15 e 27 da Lei 26/1988, do 26 de xullo, de disciplina e intervención das entidades de crédito.

Artigo 38. *Infraccións.*

1. Constitúen infraccións moi graves das persoas físicas e xurídicas ás que se refiren os artigos 34 e 35 desta lei os seguintes actos ou omisións:

a) Carece-las entidades de capital-risco ou as súas sociedades xestoras da contabilidade legalmente esixida ou leva-la con vicios ou irregularidades esenciais que impidan coñecer-la situación patrimonial e financeira da entidade.

b) Obte-la autorización como entidade de capital-risco por medio de declaracións falsas ou por outro medio irregular, ou incumprir, de maneira non meramente ocasional ou illada, as condicións que deron lugar á súa autorización.

c) Incumprir de forma grave as porcentaxes de investimento obrigatorias a que se refiren os artigos 16 e 18 da presente lei e a súa normativa de desenvolvemento cando dese incumprimento poidan derivarse consecuencias adversas para os socios e partícipes das entidades de capital-risco.

d) A ocultación de información á Comisión Nacional do Mercado de Valores ou o entorpecemento ou resistencia á súa actuación inspectora.

e) As infraccións graves cando durante os cinco anos anteriores á súa comisión fose imposta ó infractor sanción firme polo mesmo tipo de infracción.

2. Constitúen infraccións graves das persoas físicas e xurídicas a que se refiren os artigos 34 e 35 desta lei os seguintes actos ou omisións:

a) O incumprimento das obrigas de información a socios e partícipes prevista no artigo 21 da presente lei e as súas disposicións de desenvolvemento.

b) O incumprimento do réxime de participacións significativas previsto no artigo 22 da presente lei e as súas disposicións de desenvolvemento.

c) A fixación de remuneracións ou vantaxes ós fundadores a que se refire o artigo 23.4 da lei.

d) A determinación do valor das participacións dun fondo de capital-risco incumprindo o réxime establecido na normativa aplicable ou no regulamento de xestión.

e) Leva-los libros de contabilidade cun atraso superior a catro meses, así como as irregularidades de orde contable cando non fosen constitutivas de infraccións moi graves.

f) Incumprir de forma grave as porcentaxes de investimento non obrigatorias establecidas nesta lei.

g) Incumprir en prexuízo grave para os partícipes dun fondo de capital-risco o réxime de subscripción e reembolso de participacións.

h) A falta de remisión á Comisión Nacional do Mercado de Valores de cantos documentos ou informacións non recollidas nas letras anteriores deban remitírselle, ou que aquela requira no exercicio das súas funcións, sempre que o dito organismo recordase por escrito a obriga ou reiterase o requirimento.

i) Incumprir-la obriga de actuar en interese de tódolos seus socios ou partícipes, cando se adopten decisións que privilexien uns en prexuízo doutros.

j) As infraccións leves cando, durante os dous anos anteriores á súa comisión, o infractor fose obxecto de sanción firme polo mesmo tipo de infracción.

3. Constitúen infraccións leves das entidades e persoas a que se refiren os artigos 34 e 35 da presente lei calquera infracción desta lei ou disposicións de desenvolvemento, que non constituía infracción grave ou moi grave conforme o disposto nos dous números anteriores.

Artigo 39. *Sancións.*

1. Pola comisión de infraccións moi graves impo-ráselle ó infractor unha ou máis das seguintes sancións:

a) Multa por importe de 25 a 50 millóns de pesetas.
b) Multa por importe non inferior ó tanto nin superior ó dobre dos beneficios fiscais obtidos.

c) Revogación da autorización como entidade de capital-risco.

As sancións por infraccións moi graves serán publicadas no «Boletín Oficial del Estado» unha vez que sexan firmes en vía administrativa.

2. En todo caso a entidade que cometese unha infracción cualificada como moi grave deberá ingresar no Tesouro o importe non prescrito de tódolos beneficios fiscais de que se desfrutase cos xuros de demora correspondentes.

3. Pola comisión de infraccións graves imporase ó infractor unha ou máis das seguintes sancións:

a) Multa por importe non superior a 25 millóns de pesetas.

b) Multa por importe non superior ós beneficios fiscais obtidos.

c) Amoestación pública, con publicación no «Boletín Oficial del Estado».

4. Pola comisión de infraccións leves imporase ó infractor unha das seguintes sancións:

a) Amoestación privada.

b) Multa de ata un millón de pesetas.

5. Ademais da sanción que corresponda impor ó infractor pola comisión de infraccións graves ou moi graves, poderase impor unha das seguintes sancións a aqueles que, exercendo cargos de administración ou dirección nela, sexan responsables da infracción:

a) Multa por importe de ata tres millóns de pesetas a cada un dos responsables.

b) Suspensión no exercicio de todo cargo directivo por prazo non superior a tres anos.

c) Separación do cargo con inhabilitación para exercer cargos de administración ou dirección na mesma entidade por un prazo non superior a cinco anos.

6. Co obxecto de graduación das sancións establecidas atenderase, coas necesarias especialidades, ós criterios fixados no artigo 14 da Lei 26/1988, do 29 de xullo, de disciplina e intervención das entidades de crédito.

Artigo 40. *Medidas de intervención e substitución.*

Será de aplicación ás sociedades de capital-risco e ás sociedades xestoras de entidades de capital-risco o disposto para as entidades de crédito no título III da Lei 26/1988, do 26 de xullo, de disciplina e intervención das entidades de crédito. A competencia para acordar-las medidas de intervención ou substitución corresponderá á Comisión Nacional do Mercado de Valores.

Disposición adicional primeira. *Rexistros.*

Os rexistros de entidades e sociedades xestoras de capital-risco reguladas no Real decreto-lei 1/1986, do 14 de marzo, incorporaranse ós rexistros previstos no artigo 9, á entrada en vigor desta lei.

Disposición adicional segunda. *Imposto sobre o valor engadido e imposto sobre sociedades.*

1. A letra n), do punto 18, d número un do artigo 20 da Lei 37/1992, do 28 de decembro, do imposto sobre o valor engadido, quedará redactado como segue:

«n) A xestión e depósito das institucións de investimento colectivo, das entidades de capital-risco xestionadas por sociedades xestoras autorizadas e rexistradas nos rexistros especiais administrativos, dos fondos de pensións, de regulación do mercado hipotecario, de titulación de activos e colectivos de xubilación, constituídos de acordo coa súa lexislación específica.»

2. O número 1 do artigo 69 da Lei 43/1995, do 27 de decembro, do imposto sobre sociedades, quedará como segue:

«As sociedades e fondos de capital-risco, reguladas na Lei reguladora das entidades de capital-risco e das súas sociedades xestoras, desfrutarán de exención parcial polas rendas que obteñan na transmisión de accións e participacións no capital das empresas, a que se refire o artigo 2.1 da citada lei, en que participen, segundo o ano de transmisión computado desde o momento da adquisición. Tal exención será do 99 por 100 a partir do terceiro ano e ata o décimo segundo inclusive.

Excepcionalmente poderá admitirse unha ampliación deste último prazo ata o décimo sétimo ano inclusive. Regulamentariamente determinaranse os supostos, condicións e requisitos que habilitan para a dita ampliación.

Con excepción do suposto recollido no parágrafo anterior, nos dous primeiros anos e a partir do décimo segundo non se aplicará a exención.»

3. O número 11.º da letra c) do punto I do artigo 45 do Real decreto lexislativo 1/1993, do 24 de setembro, polo que se aproba o texto refundido do imposto sobre transmisións patrimoniais e actos xurídicos documentados, quedará redactado como segue:

«As operacións de constitución e aumento de capital das entidades de capital-risco nos termos establecidos na Lei reguladora das entidades de capital-risco e das súas sociedades xestoras.»

Disposición adicional terceira. *Réxime de determinadas cesións de crédito.*

1. Esta disposición aplicarase ás cesións de créditos que se efectúen ó abeiro dun contrato de cesión que cumpra as seguintes condicións:

1.ª Que o cedente sexa un empresario e os créditos cedidos procedan da súa actividade empresarial.

2.ª Que o cesionario sexa unha entidade de crédito.

3.ª Que os créditos obxecto de cesión ó abeiro do contrato non teñan por debedor unha Administración pública.

4.ª Que os créditos obxecto de cesión ó abeiro do contrato existan xa na data do contrato de cesión, ou nazan da actividade empresarial que o cedente leve a cabo no prazo máximo dun ano contado desde tal data, ou que conste no contrato de cesión a identidade dos futuros debedores.

5.ª Que o cesionario pague ó cedente, ó contado ou a prazo, o importe dos créditos cedidos coa dedución do custo do servizo prestado.

6.ª Que, no caso de que non se pacte que o cesionario responda fronte ó cedente da solvencia do debedor cedido, se acredite que o dito cesionario aboou ó cedente, en todo ou en parte, o importe do crédito cedido antes do seu vencemento.

2. As cesións de créditos empresariais a que se refire a presente disposición terán eficacia fronte a terceiros desde a data de celebración do contrato de cesión a que se refire o número anterior sempre que se xustifique a certeza da data por algún dos medios establecidos nos artigos 1218 e 1227 do Código civil ou por calquera outro medio admitido en dereito.

3. En caso de quebra do cedente, non se declarará a nulidade a que se refire o artigo 878, parágrafo 2.º, do Código de comercio, respecto ás cesións reguladas nesta disposición, se se cumpren os requisitos establecidos nela e consta a certeza da data da cesión por calquera dos medios de proba a que se refire o número anterior.

4. Os pagamentos realizados polo debedor cedido ó cesionario non estarán suxeitos á revogación prevista no artigo 878, parágrafo 2.º, do Código de comercio no caso de quebra do debedor dos créditos cedidos.

Sen embargo, a sindicatura da quebra poderá exercer-la acción de revogación fronte ó cedente e/ou cesionario cando probe que aquel, ou se é o caso este último, coñecían o estado de insolvencia do debedor cedido na data de pagamento polo cesionario ó cedente. Esta revogación non afectará ó cesionario senón cando se pactase así expresamente.

Disposición transitoria primeira. *Adaptación das entidades xa inscritas no Rexistro do Ministerio de Economía e Facenda.*

1. As entidades e sociedades xestoras de capital-risco inscritas no rexistro especial dependente do Ministerio de Economía e Facenda na entrada en vigor da presente lei, deberán adapta-la súa actividade e regulamento ou estatutos ó establecido nesta lei no prazo dun ano.

2. En caso de non procederse á adaptación a que se refire o número anterior será revogada a autorización, cancelándose de oficio a súa inscrición no rexistro da Comisión Nacional do Mercado de Valores. A partir desta data, a entidade afectada non poderá utiliza-la denominación reservada por esta lei ás entidades inscritas e perderá os beneficios fiscais previstos para as entidades de capital-risco.

3. Os actos e documentos legalmente necesarios para que as sociedades constituídas conforme a lexislación anterior poidan, dentro dos prazos sinalados nestas disposicións transitorias, dar cumprimento ó establecido na presente lei quedarán exentos do imposto sobre transmisións patrimoniais e actos xurídicos documentados.

O Goberno, por proposta conxunta do ministro de Economía e Facenda e do ministro de Xustiza, fixará unha redución nos dereitos arancelarios que os notarios e os rexistradores mercantís aplicarán ó outorgamento e inscrición no rexistro dos actos e documentos necesarios para a adaptación das sociedades e fondos existentes ó previsto na presente lei.

Disposición transitoria segunda. *Adaptación das solitudes de autorización.*

1. Os promotores de entidades e sociedades xestoras de entidades de capital-risco que teñan pendentes de resolución solicitudes de autorización na entrada en vigor da presente lei deberán adapta-la súa solicitude ó establecido nesta lei no prazo de tres meses.

2. Transcorrido este prazo sen proceder á referida adaptación, entenderase que desisten das súas anteriores peticións.

Disposición transitoria terceira. *Autorización de entidades xa existentes.*

O procedemento de autorización das entidades constituídas antes da entrada en vigor desta lei, das que o obxecto social coincida co descrito no artigo 2 ou 3 dela, e que non se encontren comprendidas nalguna das dúas disposicións anteriores, terá as seguintes especialidades:

a) Naqueles casos en que, a xuízo da Comisión Nacional do Mercado de Valores, a entidade cumpra tódolos requisitos previstos nesta lei, a autorización implicará a inmediata inscrición no rexistro administrativo especial.

b) Cando a entidade non cumpra integramente tódolos requisitos previstos nesta lei, a Comisión Nacional do Mercado de Valores poderá autorizar provisionalmente a súa inscrición no rexistro especial, condicionándose a inscrición definitiva á observación antes dun ano dos requisitos que expresamente determine a Comisión Nacional do Mercado de Valores.

En caso contrario esa autorización será revogada e a partir da data de notificación da revogación a entidade afectada non poderá utiliza-la denominación reservada por esta lei ás entidades inscritas. Así mesmo perderá os beneficios fiscais previstos para as entidades de capital-risco de que puidese desfrutar.

Disposición derogatoria única. *Derrogación normativa.*

Quedan derogados os artigos 12 a 20 do Real decreto-lei 1/1986, do 14 de marzo, de medidas administrativas, financeiras, fiscais e laborais, así como a orde ministerial do 26 de setembro de 1986, pola que se regula o acceso ó rexistro administrativo de sociedades e fondos de capital-risco.

Disposición derradeira primeira. *Títulos competenciais.*

A presente lei dítase de conformidade co disposto nos títulos competenciais previstos nas normas 6.^a e 11.^a do artigo 149.1 da Constitución.

Disposición derradeira segunda. *Desenvolvemento regulamentario.*

No prazo dun ano desde a promulgación desta lei, o Goberno aprobará as disposicións precisas para a debida execución e cumprimento desta lei.

Así mesmo, habilitase o Goberno para actualizalo importe das sancións impositivas previstas nesta lei.

Sen prexuízo do establecido no título III do libro I do Código de comercio, facúltase o ministro de Economía e Facenda e, coa súa habilitación expresa, a Comisión Nacional do Mercado de Valores para, logo do informe do Instituto de Contabilidade e Auditoría de Contas, establecer e modificar en relación coas entidades de capital-risco e as sociedades xestoras de entidades de capital-risco, as normas contables e modelos ós que deberán axustarlas súas contas anuais, as cales terán en conta o prolongado período de maduración dos investimentos que realizan as primeiras, así como os referidos ó cumprimento dos coeficientes que se establezan; para estes efectos, aquelas informacións necesarias para verificalo cumprimento de coeficientes ou calquera outra derivada da supervisión financeira, deberanse incorporar á memo-

ria das contas anuais nun punto específico. Tamén se establecerá a frecuencia e detalle con que os correspondentes datos deberán ser subministrados á Comisión ou facerse públicos con carácter xeral polas propias entidades.

Disposición derradeira terceira. *Entrada en vigor.*

A presente lei entrará en vigor ós tres meses da súa publicación no «Boletín Oficial del Estado».

Por tanto,
Mando a tódolos españois, particulares e autoridades, que cumpran e fagan cumprir esta lei.

Madrid, 5 de xaneiro de 1999.

JUAN CARLOS R.

O presidente do Goberno,
JOSÉ MARÍA AZNAR LÓPEZ

338 *LEI ORGÁNICA 1/1999, do 5 de xaneiro, de reforma da Lei orgánica 7/1981, do Estatuto de autonomía do Principado de Asturias. («BOE» 7, do 8-1-1999.)*

JUAN CARLOS I

REI DE ESPAÑA

Saiban tódolos que a viren e a entenderen que as Cortes Xerais aprobaron e eu sanciono a seguinte lei orgánica.

EXPOSICIÓN DE MOTIVOS

A Lei orgánica 7/1981, do 30 de decembro, do Estatuto de autonomía para Asturias, experimentou ó longo dos seus quince anos de vixencia dúas reformas.

A primeira produciuse pola Lei orgánica 3/1991, do 13 de marzo, que substituíu o artigo 25.3; a segunda e última foi introducida pola Lei orgánica 1/1994, do 24 de marzo, que modificou os seus artigos 10, 11, 12, 13 e 18, ampliando, basicamente, o noso nivel competencial.

Transcorridos, pois, quince anos desde a promulgación do Estatuto de autonomía e tres desde a última ampliación de competencias, resulta procedente abordar novos cambios institucionais e competenciais que permitan afondar na nosa capacidade de autogoberno e alenta-la participación, procurando o desenvolvemento socioeconómico e o reequilibrio territorial do Principado de Asturias.

A estes obxectivos responde a presente reforma do Estatuto de autonomía do Principado de Asturias, amparada polo disposto no seu artigo 56 dentro do marco do artigo 147.3 da Constitución.

Artigo único.

Introdúcense no Estatuto de autonomía para Asturias as seguintes modificacións:

1. O título «Estatuto de Autonomía para Asturias» pasa a ser «Estatuto de autonomía do Principado de Asturias».

2. Incorpórase unha nova rúbrica sistemática co nome de «Título preliminar», que agrupa os artigos 1 a 9, ambos incluídos.